

# E aña aki no por cambia Jouvert mas di Diabierna pa Diahuebs

Pero e ta cuminza 3'or en vez di 4'or



ORANJESTAD (AAN): Durante un conferencia di prensa di Cuerpo Policial y SAC pa papia di e cambionan di ruta, DIARIO a puntra presidente di SAC Tecla Kelly si SAC a evalua pa hasi un cambio y pone Jouvert Morning den marduga di Diahuebs pa Diabierna, en bez di Diabierna pa Diasabra, mirando e hecho cu a wordo trece dilanti cu asina e musiconan y esnan cu ta balia den grupo, lo por haya mihor sosiego.

Tin musiconan den comunidad a expresa cu ora cu nan caba di toca Jouvert lo por ta 8'or y apenas algun ora despues nan mester ta cla pa toca parada di San Nicolas.

Nan ta sinti cu lo ta mihor pa hasi e Jouvert un dia prome. Sra. Kelly a indica cu den e caso aki tin hendenan cu ta na fabor di e cambio, pero tin otro nan cu no ta na fabor.

E programa ta full cla caba y cosnan asina ta dificil pa cambia awor, segun presidente di SAC.

El a sigui bisa cu den futuro *quizas* por evalua e posibilidad.

E aña aki SAC a dicidi di hasi un cambio chikito si pa loke ta Jouvert Morning.

En vez cu Jouvert ta cuminza 4'or di marduga, e ta bay cuminza 3'or.